

活人錄彙編

五

林氏活人錄彙編卷之九

三原張在浚念亭氏重輯

錢塘張

濤學海氏

榕荔圃氏

校正

霍亂門

或問霍亂吐瀉病起倉卒者何氣使然也

答曰霍亂者揮霍變亂之義人身以陰陽和平爲貴若陽

爭于內陰擾于外或陰抗于中陽拒于外謂之陰陽錯

亂彼此不和如仇敵然倉卒間氣蔽不通悶絕欲死腸

腹絞痛氣逆則惡心嘔吐氣陷則暴注下泄危在頃刻
有若醫藥不及措手之勢故曰亂也

或問霍亂暴發有先吐者有先瀉者亦有不吐不瀉者有
轉筋者有呃逆而四肢厥冷者或生或死何以別之

答曰霍亂誠爲暴證生死實在頃刻不可不慎之於初然
致病之因總不外於無形之暑濕所干有形之痰食所
阻使三焦氣道閉絕不通以致陰陽舛錯寒熱交攻而
變起倉卒其時但求升降分疏表裏透達氣得通暢不

致隔塞病當隨減若上不得吐下不得瀉其氣閉于胸
腹謂之乾霍亂者其勢更危不拘冷熱湯水入口卽死
卽定後猶忌以防變病治此症者宜通宣忌塞忌補救
急之法惟用生薑五錢食鹽二兩煎湯四五碗不冷不
熱涼水頓溫頻呷探之使吐若急切不及煎湯頓溫者
可用短水冷白酒調礬紅末頻呷約酒一碗用礬三錢
痛定卽止仍勿多服吐後再用打痧法先刮頸背次刮
兩臂肘彎又次刮兩腿彎俟刮出紫黑痧爲快病勢自

緩然後審明屬寒屬熱屬食屬痰分而主治然此證猶有內傷外感在經在腑在臟及虛實寒熱不同臨症必須細察無忽

外感風寒暑濕霍亂脉証 夏秋之交暑氣正酷而涼風驟爽人於此時最易感觸蓋寒邪遏于外暑毒鬱于中必致頭疼惡寒身熱煩渴兩關脉沉弦或浮緊此係營衛不通陰陽舛錯腸胃閉塞上閉則胃先疼而惡心下閉則腹先痛而欲瀉吐則胃痛止瀉則腹痛緩是寒暑

隨吐瀉而散氣得通也若不能吐瀉者急宜探吐刮痧

繼服後方疎通表裏

外感霍亂主方

乾葛 三錢

陳皮 半夏

藿香 各一錢五分

厚朴

香茹 蘇葉 各一錢

甘草 二分

生薑 三片

水煎不拘時服

蘇葉乾葛專清風暑若頭疼關節痛者加羌活以治在表寒邪香茹藿香薑朴兼清暑濕若嘔吐泄瀉加炒扁

豆以和脾胃之氣凡爲嘔吐泄瀉多屬氣滯痰凝而二
陳又爲必用之藥頭疼關節痛加防風一錢五分羌活
一錢 如不能吐加淡豆豉二錢葱頭一個 不能瀉
加木香一錢五分熱服卽瀉 已經吐瀉者加炒砂仁
一錢茯苓一錢五分去蘇葉香茹 若頭疼已減體熱
吐瀉已止加炒扁豆三錢茯苓一錢五分炒砂仁炒澤
瀉各一錢減乾葛二錢去蘇葉香茹不用 若外受風
暑內停飲食心腹絞痛霍亂吐瀉急服蘇合丸如不能

吐瀉者上用鹽湯探吐內用蘇合丸一丸先服隨用脩
急丸十粒取利或用玉樞丹連服兩三錠以取吐利俟
甦醒隨症用藥 若上吐下瀉心腹窘痛四肢厥冷倦
卧惡寒者宜服二氣丹 若獨受暑熱霍亂吐瀉上則
煩渴燥熱下則前陰獨秘小腹脹滿者服六一散 若
卒中暑毒霍亂急以熱童便或人尿灌服俟甦用藥
如轉筋吐瀉囊縮攣捲者服霍茹散

蘇合丸

見中寒門寒中太陰條

備急丸 見內傷門食物內傷條

玉樞丹 治山巒瘴霧之毒與暑濕之氣併結于中為病

或中尸氣瘡毒及蛇虫獸毒或食毒菌河豚一時心腹

脹悶不通絞痛欲死吐瀉不能上下閉絕語言錯亂人

事不省急用此丹連服二三錠以取吐利

文蛤 焙燥 三兩

山茨菇 焙燥 三兩 千金子 取霜 兩半

紅芽大戟 酒

潤焙 錢五分 一兩七

山豆根 六錢二分五厘 全蝎 三個

礞砂 飛海一錢二分五厘

麝香 七分五厘

雄黃 一兩二分五厘

為細末五月五日午時攪

子尖和印成錠約二錢重臨症緩則磨汁急則搗末
滾湯調服中暑冷服霍亂溫服

二炆丹

見中暑門中喝條

六一散

見中暑門陰虛傷暑條

藿茹散

暑毒傷肝則厥陰風木與火兼化鬱遏不伸以

致霍亂轉筋吐瀉囊縮卷臥肚腹絞痛急用此劑表裏

疎洩

香茹

四兩

藿香

三兩

陳皮

菡豆

炒各二兩

乾葛

厚朴

蘇葉

防風

澤瀉

木瓜

各二兩
五錢

猪苓

青皮

各一兩

砂仁

五錢

甘草

三錢

爲細末薑湯調服三錢

內傷暑濕痰飲食積脉証

長夏初秋暑熱用令最宜謹

慎飲食否則脾胃易傷若任性違時當風露坐浮瓜沉

李冰菓飲食恣啖不擇則風寒暑濕食積停飲先已隱

伏於中遇有內傷外感陡然觸發則口乾嘔惡胸膈脹

悶肚腹疼痛若使吐瀉不行上下閉絕必致四肢厥逆

冷汗如雨煩渴躁妄而死六脉或沉伏或沉滑或浮弦
洪數不一先宜前列備急諸藥及探吐之法隨症施治
繼用後方調理蓋外感必兼內傷而內傷竟有絕無外
感者故諸藥俱備列于外感條後若過後三症不妨對
病取用

內傷霍亂主方

淡豆豉

錢三

陳皮

錢二

藿香

半夏

各一錢五分

蒼朮

厚朴

各一錢

甘草

二分

生薑

三片

水煎不時服

凡食填至陰必先踈通氣道爲主前方乃通劑非利劑也不偏寒熱香燥尅伐中和利于通治 煩渴躁妄加

乾葛二錢去蒼朮之燥 如不瀉加香茹一錢五分枳

實一錢去豆豉蒼朮 如傷肉食加炒山楂三錢 粉

食炒穀芽三錢炒杏仁二錢麵食神曲二錢炒蔔子一

錢 煩渴溺閉者六一散惡心欲嘔以鹽湯探吐 嘔

惡腹痛脹蘓合丸 吐瀉不通蘓合同備急丸 吐瀉

並行腹痛肢冷惡寒卷卧者服二炁丹

或問轉筋吐瀉勢亦危篤其由腑由臟爲實爲虛屬寒屬火幸以教我

答曰轉筋之症純屬暑火絕無寒濕正謂諸嘔吐酸皆屬于火暴注下迫皆屬于暑蓋暑具燥烈迫速之性而宗筋則絡于腸胃兩陽明之分若暑毒干於腸胃則陽明熱極而宗筋燂縮緊急故滿腹抽引爲痛此陽症也四肢不厥爲輕又肝主筋若暑毒傳于厥陰則厥陰之絡

循陰器而主宗筋所以轉筋入腹有絞腸疼痛之危甚
至四肢厥逆舌卷囊縮此陰症也係陰虛血少所致故
爲重六脉浮弦急數者易愈若沉伏不應者難治雖經
吐瀉未能全愈尙須清暑以和氣潤燥以舒筋脉
轉筋霍亂主方

扁豆

炒黃
三錢

藿香

五錢

木瓜

橘紅

各一錢
五分

車前

茯苓

各一錢

香茹

五分

水煎不拘時服

病因暑濕而致不分外清解散若陽明厥陰喜潤惡燥

之物佐以滋澤清潤之味 未經吐瀉者加淡豆豉三錢香茹一錢去扁豆茯苓 已經吐瀉而轉未愈煩渴飲冷肢溫多汗脉浮數者屬陽明症加人參一錢麥冬一錢五分黃連五分去香茹藿香 若吐瀉之後轉筋腹痛猶在渴不欲飲厥冷無汗脉沉數或沉弦者屬厥陰症雖曰厥逆多由痛極原屬於火忌服溫燥宜加當歸一錢川芎五分辛潤之劑以滋血舒筋去香茹藿香之燥 此症初起藿茹散宜服 若腹痛厥冷轉筋脉

伏惡寒卷卧服二炁丹外以兩手兜陰囊女以兩手摩
乳頭蓋厥陰之經絡於陰器厥陰之氣上至乳頭而終
耳或以滾醋潑炭薰鼻或以濃滾鹽湯浸兩腿可愈
或問有因霍亂而吐瀉或吐瀉以致肢體厥冷自汗煩躁
渴不欲飲脉或虛浮或沉伏而欲脫者何也

答曰此等必由酒色過度或謀慮傷神平日中氣先虛本
元淺薄適因暑濕外觸生冷內傷遂成霍亂或自行吐
瀉或使之吐瀉以宣通鬱遏閉塞之邪以致真元之氣